

鐵

厓

逸

編

註

序

珠玉至寶也。瑤少愈可珍也。并粟玉寶也。  
瑤多亦愈可珍也。又況以有用之并粟為  
無價之珠玉。豈其曰我有是、亦足也。收  
以錦囊。我自中之。祿以碎金。人亦甘之。  
如使以去吉之錦囊貯安石之碎金。至於  
積金滿籬。括囊而不出。與弄置何異。非所  
以貴之也。以余披尋栢磯屋先生詩古樂  
府詩。吳波編。亦史句為一類。外此不與焉。

其仔心衷性成集字笺注之以付剞劂  
以少亦稱以多句事之重與人苦事之也  
自古著作之多無如樊紹述其詩乃至七  
百一十有九竊疑元和之後學滋於樊韓  
昌黎稱聖詞必已出不襲蹈前人一言一  
句歐陽公詩又稱聖窮荒探幽入有無一  
語詰屈百無行不知何以能得多如此  
也乃歎已多如此矣余為求聖遺文不  
可得僅得絳守居園池記及綿州越王樓

詩序二作已可讀至文誦為奇怪而律呂  
黎偽似為文愷字順歐陽公又以為學無  
康也豈遂後世無子雲也豈莫為之後陸  
蓋不傳行哉先生之詩據自序則有瓊卷  
出洞庭雜吟十卷據宋潛氏墓誌則又  
有平鳴雲間社上社集通如十卷余所散  
見於各選家在有復古集有鐵笛詩有鐵  
龍詩有鐵屋集有東維子集有草元閣後  
集。此是正多而傳在無多則不傳在為

美余心所見少於所傳所傳又少於所見  
傳在日少即見在亦日少矣余則何事余  
又何忍或曰是集也生殆刻水沙山矣乎  
余曰刻水沙江破沙山碣石開山水之趣  
惟慧心人句以之

乾隆甲午十月朔後三日

同邑後學樓卜澹書

鐵屋逸編註卷之一

目錄

殘形操

漢水操

介山操

前旌操

虞虜操

桑中操

崩城操

楚妃曲

烏夜啼

烏重光

君馬黃

擬戰城南

餓不從虎食行

隴頭水

折楊柳

妾薄命

陽臺婦

蔡琰胡笳詞

羅敷詞

焦仲婦

秦女休行

木蘭詞

懊儂詞

華山畿

捉搦詞

童男娶寡婦

鐵厓逸編註卷之一

諸暨楊維禎廉夫著 同邑後學樓卜瀝西濱註

周公瑗林木訂

金廷楷聖端訂

殘形操 并引

退之作殘形操末語曰巫咸上天識者其誰余以  
其詞尚欠歸宿不如拘幽將歸二操語可咏也遂  
為補之

我夢有獸兮其獸曰狸狸有怪兮身首異而告我以凶兮  
戒而戒而我邱有首兮誓死完以歸



禁錄殘形操曾子夢見一狸不見其首作樂府原題殘  
形操十二操之一也韓退之詞有獸維狸兮我夢得之  
其身孔明分而頭不知吉凶何為兮覺坐而  
思巫咸上天兮識者其誰禮記狐死正邱首

漢水操

王子年拾遺記周昭王溺於漢水二女延娟延娛  
夾擁王身同沒焉故江漢人至上巳日禊集祠間  
以為風俗

湘水離離徒以斑我衣漢水泔泔可以禊我衣翩然凌波  
夾龍飛隨龍雲雨隨龍歸彼望疑兮疑是非

風俗通按周禮女巫巫掌歲時以祓除疾病禊者潔也  
於水上盥潔之也已者社也邪疾已去祈介社也

介山操

琴操有龍蛇歌以為介子辭先生嫌其  
辭有憾為演厥辭庶介山君子之旨也

一龍失所五蛇從之走天下叶四蛇完身一蛇獨虧一作

股龍上天兮蛇各有户一蛇無户薄以焦火叶吁嗟乎四

蛇從龍作甘雨一蛇焦枯無恨在下土

史記晉世家介子推不言祿祿亦不及從者憐之乃懸  
書宮門曰龍欲上天五蛇為輔龍已升雲四蛇各入其  
宇一蛇獨怨終不見處所文公出見其書曰此介子推  
也使人召之則亡入緜上山中於是文公環緜上山中  
而封之以為介推田號曰介山索隱注龍喻重耳五蛇  
即五臣狐偃趙衰魏武子司空季子及子推也舊云五  
臣有先軫顛頡今恐二子非其數蔡操介子綏割其腓  
股以鳴重耳復國子綏獨無所得甚怨恨乃作龍蛇之  
歌以感之遂遁入山文公驚悟迎之終不肯出公令燔  
山求之子綏遂抱木而燒死歲時記介子推三月五日  
為火所焚國人哀之每歲春暮不舉火謂之禁烟陸羽  
鄭中記寒食斷火起於子推據左傳史記並無介推被

焚之事周禮司烜仲春以木鐸脩火禁於國中注季春將出火也今寒食准節氣是仲春之末清明是三月之初然則禁火蓋周之舊制

前旌操

衛後母子壽母欲殺前母子伋而立壽使伋乘舟於河將沉而殺之壽知之與伋同舟不得沉又使伋之齊令盜見載旌者殺之壽又竊旌前行盜見殺之伋載壽屍還亦死

爾乘舟兮河水濁且深我同舟兮誓與爾同沉母有命兮諫不我聽示旌以盜兮我先以旌衛有國兮國在兄殺兄及我兮我不如無生

詩二子乘舟汎汎其景註二子謂伋壽也乘舟渡河如齊也按及我謂兄終弟及欲立壽也

### 虞虜操

風俗通百里奚為秦相堂上樂作所賃澣婦自言知音因援琴而歌問之乃其故妻遂還為夫婦

百里奚東避虞西入秦母已死賴婦賢負土成墳南山邊百里奚作秦相不再娶堂下澣婦歌虞虜舂黃黎搯伏雞堂下鼓絃堂上覆樽百年夫婦失復親秦穆君賀相臣夫

### 旌義婦旌仁

風俗通歌詞其一曰百里奚憶別時烹伏惟炊虞虜今日富貴忘我為其二曰百里奚初娶我時五羊皮臨當相別時烹北雞今適富貴忘我為其三曰百里奚百里奚母已死葬南谿墳已瓦覆以柴舂黃黎搯伏雞西入

秦五羊皮今日富貴捐我  
為廢房音掩移門枋也

桑中操

此秋胡題也曹魏諸作不闕本題晉傅  
元始咏秋婦遇剛先生此詞特解元議

秋夫君娶妻五日即仕陳五年歸來未拜親桑中悅美人  
我出堂前認夫君走赴沂水沉我身秋夫君令我嗔婦可  
不義親何可不仁

古樂府相和歌有秋胡行亦曰陌上桑亦曰採桑秋胡  
妻投河而死後人哀之而作列女傳潔婦者魯秋胡子  
妻既納之五日而宦於陳五年乃歸未至家見路旁婦  
人採桑秋胡子悅之下車謂曰吾有金願以與夫人婦  
人曰嘻採桑力作以奉二親吾不願金秋胡子遂去至  
家奉金遺母使人呼婦至乃向採桑者也秋胡子慙婦  
曰束髮辭親往仕五年乃還當揚塵疾至今也乃悅路  
旁婦人以金與之是忘母也忘母不孝好色淫佚是汚

行也污行不義妾不忍見遂去而走投河而死西京雜記秋胡妻赴沂水而死

### 崩城操

崔豹云杞梁妻杞殖妻妹朝日之所作也殖戰死妻哭而城頽遂投淄水而死其妹悲之作歌名杞梁妻僧貫休始以築長城義作辭其辭亦精悍宋吳適遠筆不能及也先生用是義補崩城操

白骨築長城長城不可穴十日哭長城長城為我裂白骨

斑斑食紅血抱骨著心肚白骨作人語君不見淄之水喁喁至今下有比目魚

按何燕泉云杞殖字梁春秋齊人距趙及秦築長城時不啻百年而列女傳及樂府注所謂城崩乃杞都城非長城也秦趙所築去杞不啻數千里唐僧貫休賦杞梁妻云秦之無道兮四海枯築長城兮遮北胡築人築土一萬里杞梁貞婦啼鳥鳥二事打合成調不知何據古虞金罍子云貫休賦杞梁妻事正無據而誤亦有因秦

築長城以備胡齊亦築長城以備楚而齊記以為齊宣  
王築竹書紀年曰齊閔王未知的自何時但既曰備楚  
則楚之抗衡中國宜莫盛於春秋杞梁妻哭而崩者疑  
即齊之長城而詩家不考所出併未審梁何時人死於  
何事便以為秦築長城之役  
影響附會而失其本真也

楚妃曲 并引

渠論有楚妃嘆七拍楚妃樊姬也余嘗論樊姬之  
德不妬而善諫不妬者進後宮九人善諫者止王  
之獵笑虞邱子也古辭未及諫事惟張籍及之故  
吾辭亦取興於獵云

朝游田雲夢數暮游田雲夢數樊姬諫不售矢不食田中  
獸妾願王王壽考獵賢才開伯道楚國夔龍孫叔兒非繼

非虎非熊非羆虞邱子真狐狸

歌錄石崇楚妃嘆曰歌詞楚妃嘆莫知其由楚之賢  
妃能立德著勲垂名於後世性樊姬焉今歎咏之聲永  
世不絕列女傳樊姬楚莊王夫人王好獵姬諫不止乃  
不食禽獸肉王改過勤於政事王嘗聽朝罷晏姬曰何  
晏也曰與賢者俱不知飢倦也姬曰所謂賢者何曰虞  
邱子也姬笑曰妾執巾櫛十一年進賢於妾者二人同  
列者七人虞邱相楚十餘年所薦非子弟則族昆弟未  
聞進賢退不肖是蔽君而塞賢路也王以姬言告虞邱  
子虞邱子於是使人迎孫  
叔敖而進之王治楚而伯

烏夜啼

琴說烏夜啼何晏女造也晏繫獄有三烏啼舍上

女曰烏有喜聲父必遂免撰此操

父在園區女在父廬女不得代父軀願學緹縈作官奴贖



父死父莫贖泣呱呱烏啼我廬夜鳴鳴報官家有赦書父不辜女反哺如慈烏

漢書竊太倉令淳于公有罪當刑詔獄速繫長安淳于公無男有五女當行會逮罵其女曰生子不生男緩急非有益也其少女緹縈自傷悲泣乃隨其父至長安上書曰妾父為吏齊中皆稱廉平今坐法當刑妾傷夫死道無由也妾願沒入為官婢以贖父刑罪使得自新其妾天子悲憐其意遂下令除肉刑

### 烏重光

六龍一失馭烏不得昱章六鰲一失足烏不得夜行叶天

生大人天地皇首戴圓履足履方天地再闢烏重光烏重

光兩照繼三台明叶天下齊見泰階平叶

淮南子曰中有跋馬注云跋趾也謂三足鳥也又爰止  
義和爰息六螭注云日乘車駕以六龍義和御之列子  
東海有岱輿負嶠方壺瀛洲蓬萊根無所連隨波上下  
帝命榮疆使巨鼇十五舉首戴之又伯龍之國有大人  
一釣而連六鼇天官書注孟康曰泰階三  
台也應邵曰泰階平則陰陽和風雨時

### 君馬黃

君馬黃當風嘶路旁關山不憚遠君命重有將大劍帶陸  
離千里歌載馳路幽川谷陘日晏行者饑下馬知馬勞上  
馬憂馬遲馬遲竟何罪君命不可違

宋書漢鼓吹鏡歌十八曲有君馬黃樂府解題言君馬  
黃臣馬蒼二馬同逐臣馬良嘆無罪見逐也公平傳君  
親無將將而誅馬賴師  
古云將謂將有其意也

### 擬戰城南

昨日戰羊邏堡今日戰牛皮航王者有征而無戰胡為日  
日戰血屠鋒芒篁竹之丁婁鴟張上山跳跟出鹿獐將軍  
馬無昆號硯安能為之相陸梁昨夜將軍獲生口什什伍  
伍童及叟問之半是良家兒賊中驅來帕紅首五花劊子  
牛頭神五十八人同斧斤烏鳶飛來百成群不得嚙啄飛  
去野水濱乃知當街割啗人須臾白骨堆成薪嗚呼君王  
子民天地仁忍使天地殺毒傷陽春嗚呼忍使天地殺毒

傷陽春

宗書漢鼓吹鏡歌十八曲中有戰城南樂府古題要解  
戰城南其詞大畧言戰城南死北郭野死不得葬為烏  
鳥所食願為忠臣朝出攻戰而暮不得歸也元史世祖  
紀帝登香壘山俯瞰大江江北曰武湖湖之東曰陽邏

堡水經注江之右岸則溝水口上即錢官也水自牛  
皮山東北通江吳志孫堅傳張溫以詔書召卓堅耳語  
謂溫曰卓不怖罪而鴟張大語晉書慕容暉載記贊乘  
危蠅起怙險鴟張五海九野鯨奮八極鴟張按昆踰硯  
疑當作駢蹄躡雅釋畜駢蹄躡善陞顯註駢蹄躡如  
躡而健善上山踰躡平謂蹄平正義嶺南之人多處山  
三十三年畧取陸梁地為桂林正義嶺南之人多處山  
陸其性強梁故曰陸梁甘泉賦蚩尤之倫帶干將而乘  
玉戚兮飛蒙茸而走陸梁注飛者蒙茸而亂走者陸梁  
而跳謂猛士之輩西京賦怪獸陸梁大雀跋跋注陸梁  
東西倡佯也韓愈詩以綿纏股以紅帕首注禹會塗山  
之夕大風雷震有甲兵卒千餘人共不被甲者以紅綃  
帕裨其額自此  
遂為軍容之服

### 饑不從虎食行

西方有白額虎東方有蒼頭狼太室為爾宅孟門為爾場  
饑以人為糗渴以血為漿食盡食萬俵自矜無對當無數

自相啖相雄不能兩強朝食其子暮食其妃况弟與兄  
黨從皆滅身隨之亡惟有慈烏喜鵲噪其四旁君不見博  
浪椎淮陰袴兩人未遇時其事足悲咤饑不從虎食倦不  
息狼舍待時以售如藏待價劉季得之天下王項羽失之

### 國不霸

樂府詩集王僧虔技錄相和歌平調七曲內有猛虎行  
古詞云飢不從猛虎食暮不從野雀棲野雀安無巢遊  
子為誰驕蓋取首句二字以命題也宋志西宮白帝其  
精白虎天宮書東有大星曰狼一統志嵩山三十六峯  
東曰太室西曰少室史記殷紂之國左孟門右太行偃  
鬼虎所食人也其鬼常先虎行遇機則發之淮南子昔  
者牛哀病七日化而為虎其死啟戶而入虎搏而殺之  
方其為虎也不知其嘗為人地方其為人也不知其將  
為虎也韓愈猛虎行自矜無對當氣性縱以垂朝怒殺  
其子暮還食其妃匹儔四散走猛虎還狝棲狐鳴門四

旁鳥獸  
從噪之

### 隴頭水

隴頭水交河津人行九回坂西通月氏東達秦貳師將漢  
家傑手摩龍泉七星滅此身未報主君仇釁妻再鑄千金  
鉤精誠豈識征夫侯

樂府原題鼓角橫吹十五曲有隴頭吟亦曰隴頭水辛  
氏三秦記隴右西閣其阪九回不知高幾里上者七日  
乃越上有清水四注流下俗歌曰隴頭流水流離四下  
念我行役飄然曠野登高遠望涕零雙墮元和郡縣志  
貞觀四年於漢車師前王地置交河縣取界內交河為  
名交河源出縣北天山一統志今為西番火州地史記  
大宛有善馬在貳師城天子拜李廣利為貳師將軍伐  
宛斯破貳師城取善馬吳均邊城將詩刀舍四尺影劍  
抱七

星文

折楊柳

折楊柳楊柳不可折楊柳條十丈長與君繫馬紫絲韁關

支婦剖黃鼠勸君銀馬乳楊柳風作胡語楊柳枝作胡舞

樂府原題鼓角橫吹十五曲有折楊柳異苑宣大間產黃鼠凡捕之者必畜松尾鼠數隻名夜猴兒能喚黃鼠

穴唐書太宗破高昌收馬乳蒲萄實種之苑中造酒成綠色芳香耐烈味兼醍醐按古折楊柳歌詞遙看孟津

河楊柳鬱婆娑我是箇家兒不解漢兒歌末正翻用其意杜甫詩千載琵琶作胡語李商隱咏柳詩應無不舞

時唐樂史柘枝譜漢靈好胡舞鼓吹

妾薄命

妾薄命妾薄命當年破瓜顏色盛阿婆何壞家筵號天莫

雪阿婆寬低眉含羞不敢議風雨幾番寒食天今年復明

年鴛鴦繡被長孤眠君不見并州剪刀金粟尺掛在深閨  
塵素壁誓不與人縫嫁衣閑看蜻蜒峽蝶飛

樂府古題要解妾薄命曹植日月既逝西藏益恨宴私  
之歡不久如梁簡文名都多麗質傷良人不返王嬙遠  
聘盧姬嫁遲荆楚歲時記七夕人家婦女結綵樓穿七  
孔針陳瓜果於蓮中以乞巧古詩客從遠方來遺我一  
端綺文彩雙鴛鴦裁為合歡被杜甫詩  
焉得并州快剪刀又越羅蜀錦金粟尺

陽臺婦

即巫山高曲

巫山高十二峰雨為體雲為容為雲為雨日日陽臺中君  
王望南雲未從夜夢見之雲朦朧雲妖兩怪寤以說君不  
見霸南國歌南風一婦在楚宮一婦稱賢九婦同巫山高

高九峰



樂府原題漢短箫鏡歌二十二曲有巫山高古詞巫山高  
高以淮水深難以逝大畧言江淮深無梁以渡臨  
水遠望思歸而已後之作皆涉陽臺雲雨之說非舊  
意也宋玉高唐賦序曰昔者先王嘗遊高唐急而晝寢  
夢見一婦人曰妾巫山之女也為高唐之客聞君游高  
唐願薦寢席王因幸之去而辭曰妾在巫山之陽高邱  
之岵旦為朝雲暮為行雨朝朝暮暮陽臺之下旦朝視  
之如言故為立廟號曰朝雲襄陽耆舊傳赤帝女姚姬  
未行而卒葬於巫山之陽故曰巫山之女寰宇記巫山  
縣西有陽臺古城即襄王所遊之地亦曰陽雲臺高一  
百二十丈南枕長江一婦稱  
賢九婦同見本卷楚妃曲

蔡琰胡笳詞

胡笳悲胡笳悲遭家喪亂胡越各東西漢南破鏡天上飛  
照鏡重畫關氏眉衣毳如絺食乳如飴日積月漬口語侏  
儻夜看北斗在南垂胡天草青十二暮死甘胡鬼狼山陂

漢大將軍念中郎氏不嗣贖以千金貴單于貪鄙輕合與  
離琴蘆吹笳送南歸碧眼狼子禡母衣嗟爾去住猶狐疑  
一步一遠足跣跣皇天白日不照父母國偏照子母私心  
懸懸怒如饑我作爾調憤益悲彼狼子胡足慈不見世違

獸行兒獸行妻母忍母死 句鴛一卮

琴曲譜錄大胡笳十八拍小胡笳十九拍並蔡琰製後  
漢書列女傳董祀妻同郡蔡邕女名琰字文姬博學有  
才辨又妙於音律適河東衛仲道夫亡無子天下喪亂  
文姬為胡騎所獲沒於南匈奴奴在胡中十二年生二子  
曹操素與邕善痛其無嗣乃遣使以金璧贖之而重  
嫁於祀古樂府樂碣今何在曲有破鏡飛上天句言月  
半也按文姬悲憤詩曰感時念父母哀歎無窮已此所  
謂父母國也又曰已得自解脫當復棄兒子云云此所  
謂子母私也琴操昭君有子曰世違單于死世違繼立  
凡為胡者父死妻母昭君問世違曰汝為漢也為胡也

世遠曰欲為胡耳  
昭君乃吞藥自殺

羅敷詞 一曰陌上桑

盈盈秦氏女采桑南陌頭一顧雲不飛再顧水不流使君  
立五馬招徼重回頭艷歌為君發繁絲為君振使君有婦  
如有藝羅敷有夫非秋胡使君喜使君愁羅敷不得湏臾

留

古樂府相和歌三十曲有陌上桑亦曰艷歌羅敷行亦  
曰日出東南隅行亦曰日出行亦曰採桑曲樂府古題  
要解陌上桑古詞曰日出東南隅照我秦氏樓舊說邯  
鄲女子姓秦名羅敷為邑人千乘王仁妻後為趙王家  
令羅敷出採桑陌上趙王登臺見而悅之置酒欲奔焉  
羅敷善彈箏作陌上桑以自明不從樂府原題古詞陌  
上桑有二此則為羅敷也其詞編羅敷採桑陌上為使  
君所邀羅敷甚誇其夫為侍中郎以拒之侍中郎漢官

也悉仁初為趙王家令後為漢侍中郎也呼趙王為使  
君者郎君之稱本於漢恐言使君者猶今言使長也別  
有秋胡行其事與此不同以其亦名陌上桑致後人差  
互其說如王筠陌上桑云秋胡使倚馬羅敷未滿袖蓋  
合為一事也古詩盈盈樓工女注廣雅曰羸容也盈與  
羸同古字通陌上桑古詞父君從南來五馬立如驪潘  
子真詩話禮天子六馬左右驂三公九卿駟馬右驂漢  
制九卿則中二千石亦右驂太守駟馬而已其有加秩  
中二千石乃右驂故以五馬為太守美稱遜齋閑覽及  
學林新編云漢時朝臣出使以駟馬太守加一馬故為  
五馬古詞使君自有婦羅敷自有夫列女傳湯妃有嬖  
者有嬖氏女也又太妃者武王之母禹后有嬖氏之女  
秋胡見本

卷桑中操

焦仲婦

并引

舊序言仲廬江小吏漢建安時人古辭凡千七百  
言予嫌其辭過冗而情不倫復述此辭

劉氏有好女十三能織素十五能塋僕十六通書數十七  
為焦氏婦得意焦氏夫失意焦氏姑阿母謂阿仲汝去爾  
婦爾婦自專不受驅東隣有女如羅敷吾與汝娶如水與  
魚阿仲孝母復愛妾愛妾愛必割母命不可違斯須仲去  
婦無七辜為吾謝外姆破鏡母再合斷絃當再續平聲婦感  
仲區區誓天日不再家叶姑君如磐石妾如葦蒲葦蒲繞石  
石不為車但苦親父亡父亡有暴兄叶暴若豺與狼迫我  
再事人不得留母堂脫我舊絲履重作嫁衣裳腰襪綉華  
袜耳著明月鐙團扇畫雙鸞塋僕彈鳳凰羞若市門倚使  
我掩面不得藏昨日縣令媒云有第三郎今日府君媒云

有第五郎金鞍玉勒馬青雀白鵠舫

平聲

雜彩三百端寶錢

三萬鎰

平聲

仲婦不得卻懼違我暴兄

叶

寧違暴兄死不違

焦仲使意傷矢為焦家一姓婦不為他婦食二家水漿開  
戶四無人投身赴滄浪焦仲聞之裂肝腸挂身一在枯枝  
桑兩家合葬廬水傍暴姑悍淚浪浪

古樂府佳麗四十七曲有焦仲卿妻家字記廬江小吏

焦仲卿妻劉氏為姑所出自誓不嫁其家逼之投水而

死仲卿聞之亦自縊古詞十三能織素十四學裁衣十

五彈箏篋十六誦詩書十七為君嬾心中常苦悲又此

婦無禮節舉動自專由又妾不隱驅使徒留無所施又

東家有賢女自名秦羅敷可憐體無比阿母為汝求又

女行無偏斜何意致不厚又阿母謂府吏何乃太區區

又新婦謂府吏感君區區懷又君當作磐石妾當作蒲

葦又我有親父兄性行暴如雷又足下躡絲履頭上玳

瑁光腰若流紈素耳著明月璫又何不作衣裳莫令事

不舉又還家十餘日縣令遣媒來云有第三郎窈窕世無雙又說有蘭家女承籍有宦官云有第五郎嬌逸未有婚遣丞為媒人主籍通語言直說太守家有此令郎君又躑躅青絲馬流蘇金縷鞍又青雀白鵲舫四角龍子旛又齋錢三百萬皆用青絲穿雜絲三百疋交廣市鮭珍又攬裙脫絲履舉身赴清池又徘徊顧樹下自掛東南枝又兩家求合

葬合葬華山傍

### 秦女休行

秦氏有烈女自名為女休

叶

左手執白楊刀右手執烏龍

笏年十五妻燕王夫燕王陷無辜取仇西山上殺人白晝

衢關吏不敢睚眦司敗莫孰何

叶

於呼殺人者殺創人者

創女休豈敢避法走藏累嫂與兄使縣吏解章女休自歸

罪丞卿坐列東西床丞卿議罪拘文法故常牽曳京市頭

法刀利如霜刀未下金雞銜赦出法場百男盡短一女長  
嗟嗟女休真女郎丈夫堂堂掩面事仇女休眎之如妾婦

女偈

李白秦女休行原註古詞魏朝協律都尉左延年所作  
左詩步出上西門邊望秦氏廬秦氏有好女自名為女  
休休年十四五為宗行報仇左執白楊刀右搽魯宛矛  
仇家便東南仆僵秦女休女休女休女休女休女休女休  
更呵問女休女休女休女休女休女休女休女休女休女休  
因平生衣參差當今無領襦明知殺人當死兄言快快  
弟言無道憂女休堅詞為宗報仇死不疑殺人都市中  
微我都巷西丞卿羅東向坐女休樓懷曳枯前兩徒夾  
我持刀刀五尺餘刀未下腫臃擊鼓赦書下隋書齊赦  
川則武庫令設金雞及鼓於閭闔門外之右勒集囚徒  
於闕前過鼓千聲釋枷鎖焉談苑宋孝王問司馬膺之  
後魏北齊赦日樹金雞事膺之曰按海中星占云天雞  
星動為有赦北齊赦日令武庫設金雞於闕門右過鼓  
千聲宣赦建金雞或云起於西涼呂光究其旨蓋西方



主兌為澤金西方也雞者巽之神巽為號  
令故合二物制其形揭長竿使衆人觀之

木蘭辭并引

木蘭古辭二首世疑金柝鐵衣句非漢魏語余觀  
二辭前辭為古後辭蓋擬者之辭也吾為此辭又  
將發蘭所未發也

金鼙鼙鼓鏜鏜行人且勿行木蘭換衣裹戎裝木蘭戴金  
鉞鉞著鐵襖襠右手雁翎刀左手月輪弓叶跨上八尺馬  
輕若飛鴻翔木蘭父老下無丁弟上無壯王兄叶木蘭代  
父前戎行戎羗健兒八尺長不知木蘭弱與強木蘭與跋  
跋跋誰雌復誰雄叶健兒何草草木蘭何堂堂東市斫

西市研相研似阿若郎擒賊報信歸報我國王國三償功  
爵名字始知木蘭是女娘女娘安用尚書郎請移木蘭爺  
父當國王進忠良制戎羌垂衣裳不下堂木蘭去兵亦為

婦採桑

古樂府佳麗四十七曲有木蘭辭樂府原題木蘭女  
也其父被調從征木蘭代父往防邊獲功而歸與  
伴十二年而人不知其為女子故其詩之卒章有  
脚撲朔雌兔眼迷離兩兔傍地走馬能知我是  
句錢希言楚小志黃陵之北有木蘭山即古時  
子代父從征者也傳為木蘭將軍塚廟俱在嚴  
話木蘭歌最古然胡氣傳金柝寒光照鐵衣之類  
太白必非漢魏人詩也唐詩品彙木蘭詞一首諸  
本及樂府俱以為不知名蜀文苑英華乃作韋元  
恐非也郭茂倩樂府載木蘭詩有二篇前一篇必  
後一篇或如文苑英華云韋元前之作藺胡光切  
鐘他郎切音湯詩叩風擊鼓其鐘鉦徒口切頭上  
聲

莫侯切音謀。襖，良獎切音兩。襖，都郎切音當。博雅：襖，謂之。和腹木蘭古詞。阿爺無大兒木蘭無長兄。頭為市鞍馬。從此替爺征。又小弟聞姊來磨刀霍霍向猪羊。此云無丁弟謂未成丁也。跌避列切音別。跋比末切音撥。梁折楊柳曲健兒須快馬快馬須健兒。跋跋黃塵下。然後別雄雌。魏志：楊和若少任俠，常以報仇解怨為事。故時人為之號曰東市相斫楊阿若。西市相斫楊阿若。木蘭是女郎，又可汗問所欲。蘭古詞同行十二年不知木蘭是女郎。又尚書郎不用。

懊儂詞 并引

樂錄曰：懊儂歌者，石崇妾綠珠所作也。其辭未盡珠義。今演澀布語美珠節云。

四座且勿哄，平聲聽妾歌。懊儂竹直不可屈，布澀不可縫。

澀斷針折屈，竹竹破裂。

懊懷古樂府清商曲之一樂府原題懷亦作憫石崇侍  
人綠珠所作綠布澀難縫而已東晉隆安初民間詠謠  
之曲云春草可攬結女兒可  
攬擷齊高帝謂之中朝歌

### 華山畿

南徐有士子從華山畿往雲陽見客舍一女子悅  
之無因遂感心疾母問故至華山尋女得菽滕令  
置席下舉席見菽滕遂吞而死氣欲絕謂母曰葬  
從華山度母從之比至女門牛不前女歌曰華山  
畿君既為儂死儂活為誰施歡若見憐時棺木為  
儂開棺應聲開女透入棺乃合葬呼為神女塚云  
華山折東海竭惟有相思情萬古不可滅白玉槨黃金棺

金椎碎眼亦剗白骨臭腐神不還神不還如何華山畿為  
儂應聲而開棺儂入棺化作雙雙雉子斑

莊子儒發冢以金椎控其顛別其類無傷口  
中珠刺為歡切剗也雉子斑古樂府曲名

捉箭詞

古詩云華陰山頭百尺井可憐女子能照影不見  
其餘見斜領其詞義不可以訓今翻斜領歸諸正

云

百尺井女子來照影持此咸陽鏡不照左斜領照妾心肝  
貞且勁

西京雜記秦始皇有方鏡照見  
心膽有邪心者即膽張心動

童男娶寡婦

童年十六寡婦六六年俯就寡婦妬還受壯女憐壯女拊  
膺蹋地呼天俾妻鬼夫寧作生口老死不傳火風起燒野  
田野鴨逐胡雁胡能牽連飛上天

梁紫騮馬歌辭野火燒田野野鴨飛上天童男娶寡婦  
壯女笑殺人地驅樂歌老女不嫁蹋地喚天捉搦歌老  
女不嫁  
只生口

樓 汪若干校

鐵厓逸編註卷之二

目錄

阿摩來操

桐廬太守歌

鐵骨搭

李鐵鎗歌

李鐵鎗此詞

房將軍歌

白馬生

篤才子

韋骨鯁

育老公

銅將軍

周鐵星

蔡葉行

毘陵行

吳宮燕

丁孝子

虞邱孝子詞

崆峒渾淪歌

桃核杯歌

黃鵠曲

翁氏姊

處女塚

女貞木

雉子斑

濮州娘

金盤美人

小姑謠

捺瓢奴

鼠制虎



鐵厓逸編註卷之二

諸暨楊維禎庶夫著 同邑後學樓卜瀍西濱註

鄴蔭枚夏占

訂

金 蘭湘佩

阿鞞來操

并叙

阿鞞來者即可汗歛羅迴曲也吹之羗管被之四  
絃節為十有一拍始美極慢不可節拍至六七美  
漸漸促數為十一而止今效李延年新聲補我朝  
樂府是曲之盛用於大駕今鮮卑老將復用軍中  
奏馬上管樂君子不無感也已

阿華來阿華來十有一拍拍莫催壯士卷蘆葉夜吹簫羅  
迴胡霜凋折柳邊風吹落梅龍城寒月覆如枯陰山狐狸  
奉首哀真人作統九垓一拍始天地開五拍奎斗回合歌  
金槽雙擺杪黃宮大絃聲若雷鴛鴦頭殺羶胎鮮卑齊上  
萬壽杯大駕歲還龍席臺阿華極阿華愁九九八十一春  
秋黃霧迷涿邱桃皮箒篋吹隴頭二十三絃如瑩篴東青  
雕雄糾糾白翎雀雌覆覆鮮卑老將涕交流為君美堯勒  
將軍怒髮豎短鉞龍跳席躍走蚩尤

說文胡人捲蘆葉吹之用以作樂折柳落梅皆笛曲名  
王昌齡詩若使龍城飛將在不教胡馬度陰山史記衛  
青擊匈奴出上谷至龍城注龍讀作龍秦本紀西北斥  
逐匈奴自渝中並河以東屬之陰山徐廣曰陰山在五

原北通典陰山唐安北都護府也淮南子河漫期於九  
垓之外高誘註九垓九天之外封禪書上暢九垓服虔  
注垓重也天有九重杪杪何切音梭權郎何切音羅木  
名出崑崙山通鑑注鮮卑東胡種元史文宗駐蹕龍席  
臺昌平山水記龍席臺在居庸關南地勢高平如臺廣  
二里袤三里元時車駕巡幸上都皆駐其上東青雕白  
翎雀見樂府白翎詞註太平御覽胡笳者張博望入  
西域傳其法於西涼惟得摩訶兜勒一曲藝文類聚龍  
魚河圖曰黃帝攝政時有蚩尤兄弟八十一人並獸身  
人語銅頭鐵額食沙石子造立兵仗刃戟大弩威震天  
下誅殺無道不仁不慈萬民欲令黃帝行天子事黃帝  
仁義不能禁止蚩尤仰天而歎天遣元女下授黃帝兵  
信神符制伏蚩尤帝因使之主兵以制八方蚩尤沒後  
天下復擾亂黃帝遂畫蚩尤形像以威天下天下咸謂  
蚩尤不先八方  
萬邦皆為攝伏

### 桐廬太守歌

高昌王孫神仙人江南一望清無塵腰圍帶割犀麒麟五

馬如龍五花雲五花躡海滿天春河陽花開桑雉馴放囚  
還家去席避隣吳娘著白苧蠻客卸紅巾上天綸音煥若  
雷皇皇繡衣為爾來臣門如市臣心如水彈琴堂上堂下  
治上和南風歌歸來奉天子

太守名伯顏不花的斤有文武才有詩梅花百詠元史  
忠義傳伯顏不花的斤字蒼崖畏吾兒氏駙馬都尉江  
書丞相封高昌王雪雪的斤之孫駙馬都尉江浙行省  
丞相封荆南王朶爾斤之子也初用父蔭同知信州  
路事又移建德路以功陞本路總管至正十六年授  
州路達魯花赤明年擢江東道廉訪副使十八年二月  
江西陳友諒遣賊黨王奉國等寇信州明年正月伯顏  
不花的斤自衛引兵援烏力戰不勝遂自刎五馬見一  
卷羅敷詞晉書潘岳為河陽令植桃李花人謂曰河陽  
一縣花續漢書魯恭為中牟令專以德化為理郡國螟  
傷稼不入中牟河南尹袁安聞之遣掾往驗之恭隨行  
阡陌俱坐桑中有雄止其旁有兒童掾曰何不捕之兕

曰雉方將雛椽曰森不犯境一異也化及鳥獸二異也童子有仁心三異也遠以白安後漢書虞延為洛陽令每歲時伏臘休遣囚徒感恩如期而至又劉昆為宏農太守仁化大行帟皆負子渡河又宋均遷九江郡虎相與東浮渡江鄭崇傳

臣門如市臣心如水

鐵骨搭

美浙江省鐵宣使也

鐵骨搭偉鵠砂性如獬豸口如鴉仰見太陰剝食砍七上天剗妖墓俯見海波揚誓拔快劍水上斲腹蛇才雄志大無位可施展乃令行人走使匹馬無停楫南藩大吏一月二十九日醉藩職不理莫敢輒疵瑕骨搭北上見官家官家問南事一一叩陛下陳治忽談忠邪天子為點首百官盡驚呀御史結舌慙輔下有附和無聲牙於乎骨搭者古

之汲直無以加天子何不喚取歸南衙下為百司司白簡  
上為天子持黃麻

漢輿服志獬豸冠禮圖曰法冠也獬豸一角獸董巴曰  
神羊也應劭曰此獸主觸不直故執法者象之又御史  
臺有烏集謂之烏府鴉即烏也掘擊也宋書孔凱為府  
長史雖醉日居多而曉明政事醒時判決未嘗有壅衆  
咸云孔公一月二十九日醉勝世人二十九日醒也相  
山野錄李仲容曰五帝官天下三王家天下故曰官家  
汲謂汲黯也唐書南衙宰相往來晉書傳元每有奏劾  
或值日暮捧白簡不寐南史任昉每奏彈曰臣謹奉白  
簡以聞注白簡簡畧狀也會要唐翰林志云中書用黃  
白麻為給命其後翰林專掌內命中書所出獨用黃麻  
其白麻皆  
在北院

李鐵鎗歌

古鐵鎗五代烈今鐵鎗萬人傑紅蠻昨夜斬關來防關光

將泣如孩鐵鎗手持丈二材鐵馬突出擒紅魁礫紅頭鑿  
紅骨誓紅不同生滅紅倒紅窟君不見錢塘城中十萬家  
十萬甲兵赭如血一夜南風吹作雪

五代史王彥章誅錢元史順帝紀至正十一年八月  
朔州徐壽輝與黃州鄒普勝聚眾為亂以紅巾為號赭

止野切音  
者赤色也

鐵鎗封萬戶至壬辰七月二十日破賊於杭余嘗

歌以美之是年九月不幸死於昱關復為歌此之

李鐵鎗人之傑將之強手持鐵鎗丈二長鐵鎗入手烏龍  
驤龍精射之落擄擒皇帝十有二載秋七月紅兇西來寇  
西浙防閑健兒走惶惶鐵鎗一怒目皆裂十萬赭衣暗城

關鐵鎗烏龍去明滅湏臾化作風雨來淨洗銅城滿城血  
嗚呼殪猥狻屠封狼鐵鎗之鋒無與當胡為將星昨夜墜  
昱闕鐵鎗一折天無光天無光人悵悵雲臺倚天雲潛傷  
天子贈忠良祠以血食冬青鄉嗚呼歸來乎鐵鎗

元史順帝紀至正十二年三月徐壽輝偽將項普畧陷  
饒州路遂陷徽州信州秋七月饒徽賊犯昱嶺闕陷杭

州路

### 房將軍歌

美監憲牙將房居仁同知也居仁克有軍功無負  
蓋憲選用之才寔可美也

房將軍偉男子自從生長侯門裏不逐花游開紅紫走馬



能彎一石弓仰貫幾雕落流矢年來為國空勞落約束蛟  
龍驅席兕黃頭天驕真鷄兕不敢麾前矜爪觜東道主人  
監司法愛惜將軍如愛兒三尺蒼龍每教捧五花紫騮親  
著騎紅蠻突關破城池城中旌穉東西馳主公馬首萬民  
望大軍函谷河橋師將軍搗虛出突竒雄雉一擊千紅靡  
柵頭四寨焚窟落閭面千里招降旗房將軍世希有曰忠  
曰孝要兩全還家解劍失慈母水漿三日不入口誓不同  
天取仇首我聞此事為噓嘔房將軍解君憂飲君酒酒酣  
擊劍幾龍吼更為君王殺賊奴金印明年大如斗

後魏秦王幹從太宗出遊一箭下幾雕蹄射雕都尉高  
駢見幾雕曰我貴當中之一發貫幾雕蹄幾雕侍御周

顛傳今年殺諸賊奴  
取斗大金印繫肘

白馬生

邊魯生字至愚嘗從公遊別去  
十年以淮南樞幕東來括水軍

白馬生人之英我昔與之夜讀素王斧鉞之刑經恥與黃  
石談陰兵挾策誓上天子廷天子未報淮南相君許與一  
諾重泰山一拔為之輕西來白馬玉鈎鷹馬前席士謾胡  
纓露布朝馳黑洋寨拔劍夜落紅旄精紅旄精值太白亂  
臣賊子乘之以頽頽東方方面天下隘士女狗馬金穀白  
東方大臣虧石畫何不攤黃金留上客射書吳門圍逆順  
語明白不必募朱屠兒殺鄙救趙揮金槌

元史順帝紀至正十二年閏三月立淮南江北等處行  
中書省治揚州十三年十月立水軍都萬戶府於龜山

州額額不休貌虞書周晝夜額額魯連子燕伐齊取七十餘城田單破燕軍復齊城唯聊城不下魯仲連乃為書著之於矢以射城中燕將得書泣三日乃自殺史記朱亥袖四十斤鐵椎椎殺晉鄙公子遂將晉鄙軍救趙

篤才子

篤魯沙字行之從游於先生人呼為篤才子今後軍在揚州

篤才子虎之武豹之文長安少年雞狗群鬪雞走狗徒紛  
紜許身窈比稷與契獻納未及承華勛新豐飲酒酒一斗  
大娘舞刀刀百斤進履惟師黃石子射軍自卻紅頭軍篤  
才子豈不聞待我國士報國士富貴於我如浮雲時危插  
劍肝膽露世上豈乏平原君

杜甫詩許身一何愚竊比稷與契又詩題有觀公孫大娘弟子舞劍器行戰國策豫讓曰智伯以國士遇臣臣故以國士報之史記平原君列傳毛遂按劍而前高適如郭少年行水知肝膽向誰是令人却憶平原君

韋骨鯁

并序

韋名清江陵人性強梗好怒罵人號為韋骨鯁省  
臺大臣有過輒昌言之無忌偽張氏太弟奪浙相  
位相僚曰壽曰的拜其偽太妃已而復奪臺印章  
大夫普持印未決清走普所屬語曰大夫尚不能  
殉印一死耶普死之清時為察胥獨航海至京師  
上書言壽的喪節普完節及陳便宜二十事上不  
報徒步回江陵故里吳主欲仕之清力乞骸骨侍  
親遂落魄金陵市中以詩酒為事母死後服道士  
服游五岳名山云予以清非巨卿大吏而嫉邪憤

世有禰正平之氣節求之於妾婦世豈不在可詠  
之列耶為作韋骨鯁詩

韋骨鯁性儉

疑當作  
儉

語軋駘眼中有周公孔子舌底有

龍逢比干見無義漢不律官怒癭突項髑芒刺生肺肝說  
敢向漢遮欄駕策不同秦鑽世人不識之我獨角巾如豸  
冠痛吟蕩陰里悲歌清淚灘左從右衡萬妾嬪朝梁暮晉  
千痴頑弗弋弗又劫白日鉅郎模倣同蚶走轂下出臺端  
力陳悖逆不赦金雞竿敗紅一陣逐風去木駃萬駕蠅蠅  
盤劫來秣陵市佯狂落魄酒澆舌本黃河乾我有孤竹和  
君獨絲彈神仙狡獪只在吾人間倒騎一笑與爾共訪西

華山

倣莫八切麻入聲倣呼八切倣入聲廣韵倣倣健貌韓  
 愈征蜀聯句填隍倣倣乙點切音揜車轅也戰居  
 寒切音干盾也體補各切音博肩甲也文選商鞅挾三  
 策以鑽孝公意謂不仕偽吳也王僧虔技錄相和歌楚  
 詞曲有梁父吟行詞曰步出齊南城遙望蕩陰里五代  
 史王彥章口豈有朝事梁暮事晉生何面目見天下之  
 人乎鉗與掘同荀子無鉗墳墓軒居寒切音千蟲侵物  
 也鉗宣傳白虹軒日金雞竿見卷一秦女休行駢居月  
 切音厥駢良馬北地所產韻會鴉去也又發語詞通  
 雅鴉來猶何來也集仙錄明星玉女者居華山服玉漿  
 白日昇天

盲老公

刺拜住哥臺長戊戌十月二十三日黨海寇用壯  
 士椎殺邁里古思將黃中禽拜住盡戮其家

盲老公侍御史崇臺半面呼天子白米紅鹽十萬家鳳笙  
龍管三千指門前養客皆天驕一客解散千黃苗太阿之  
枋忽倒擲槌殺義鵲招羣鳥一客死百客辱萬夫怒一夫  
獨生縛老盲來作俘百口賤良一日戮獨遣小娥年十五  
腰金買身潛出戶馱作倡家馬

元史邁里古思傳邁里古思保障紹興民愛之如父母  
會方國珍侵據紹興屬縣邁里古思曰國珍本海賊今  
既降為大官而復來害吾民可乎欲率兵往問罪先遣  
部將黃中取上虞中還請益兵是時朝廷方倚重國珍  
資其舟以運糧而御史大夫拜住哥與國珍素通賄賂  
情好甚厚即使人名邁里古思至其私第與計事至則  
命左右以鐵槌搥死之斷其頭擲溷中城中民間聞之  
無不慟哭者黃中乃率其衆復仇盡殺拜住哥家人及  
臺府官員掠吏苗謂苗  
師也枋音柄與柄同

銅將軍

刺偽相張士信丁未六月六日為龍井砲擊死

銅將軍無目視有準無耳聽有神高紗紅帽鐵篙子南來  
開府稱藩臣兵強國富結四隣上稟正朔天王尊阿弟住  
國東國鈞僭逼大兄稱孤君案前火勢十妖嬖後宮春艷  
千花嬪水犀萬弩填震澤河丁萬鍾輸茅津神愁鬼憤爰  
萬民銅將軍天假手疾雷一擊粉碎千金身斬妖蔓拔禍  
根烈火三日燒碧雲鐵篙子西縛西向為吳賓

元史順帝紀至正十三年五月泰州白駒場亭民張士誠及其弟士德士信為亂僭國號大周自稱誠王建元天祐又達識帖睦爾傳張士誠以書詐降遂授士誠太尉其弟士德淮南行省平章政事士信同知行樞密院



事士德尋為大明兵所擒復陞士信淮南行省平章政  
事士誠求王爵不報士誠遂自立為吳王士信自為江  
浙行省左丞相明錄姑蘇園急士信張悞城上砮銀椅  
與參政謝節等會食左右方進桃未及嘗忽飛礮碎其  
首而死銅將軍砲也鐵篤子謂士誠尚書注震澤即太  
湖也左傳注茅津在河東大陽縣西按明太祖初稱吳  
元年故  
云吳賓

### 周鐵星

張氏亡國亡於其弟士信趣亡於毒斂臣周依依  
山陽鐵冶子以聚斂功至上鄉伏誅曰錢穀鹽  
鐵藉皆在我汝國欲富當勿殺我主者怒曰亡國  
賊不知死罪敢言是耶速殺之吳人快之或手頷  
謝天曰今日天開眼也

周鐵星國上卿談申韓為法經釘箠杖為國刑千倉萬庫  
內外盈十有三賦爭科名周鐵星鞭笞箕歛無時停開血  
河築血城血戰艦血軍營刮民膏啣民髓六郡赤骨填芻  
靈齊雲倚天一日傾鐵星亡國法當烹尚將六郡金谷數  
丐死萬一充虞衡嗚呼周鐵星十抽一椎百萬釘誓剗爾  
髀作溺罌鐵星碎地啟曠天開類

啣音朔口吸  
也類音盲

### 蔡葉行

刺佞倖臣蔡文葉德張氏亡國由大弟致此實由  
二佞丁未春二佞伏誅於臺城風乾其尸於秤刑

者一月

君不見偽吳兄弟四六七十年強兵富金穀大兄垂旒不  
下堂小弟秉鈞獨當國山陰蔡藥師雲陽葉星卜朝坐白  
玉堂暮宿黃金屋文不談周召武不論頗牧機務託腹心  
邊策憑耳目弄臣什什引膝前骨鯁孤孤內囚梏去年東  
臺殺普化今年南垣殺鐵木鳳陵剖棺取含珠鯨海剖商  
劫沉玉粥官隨地進妖艷籠貨無時滿坑谷西風捲地來  
六郡下破竹朽索不御六馬奔腐木那支五樓覆大越先  
罪魁餘殃盡拏戮寄謝悠悠佞兒福不盈眦禍連族何  
如其門市賣藥賣卜餓死亦足

輟耕錄張士誠弟四人弟士義士德士信又至正壬辰春城平江於古城基內掘得一碑其文云三十六子云云不曉所言何事說者謂三十六人也豈其然歟明錄尉弟行九四而同首亂者達十八人也被擒者信也又士誠謀主惟弟士德及部將史椿士德被擒者信也又士誠書欲來歸事洩士誠殺之委政於弟士信士信惟務酒色用王敦夫葉德新蔡彦大皆諂佞小人時有市諂十七字曰丞相做事業專用王蔡葉一朝西風起乾別內讀作納元史達識帖睦爾傳張士誠使人至紹興從普化帖木兒索行臺印章普化帖木兒封其印置諸庫曰我頭可斷印不可與也從容沐浴更衣與妻子訣賦詩二章乃仰藥而死達識帖睦爾聞之歎曰大夫且死吾不死何為遂命左右以藥酒進飲之而死按達識帖睦爾通鐵木兒塔識弟也西風謂明太祖大越時紹興城為士誠所據

昆陵行

記十月七日事

孟冬四將發句吳彎弓誓落獲髡顧智謀無過史萬葉嫖

姚無加李金吾前茅已作破竹及三覆乃裹含沙狙常山  
長蛇一斷尾即墨怒牯齊犇浦玉蒞孤軍呼庚祭阜鴉萬  
甲迷模糊江南長技江北無蒲牢一吼千鯨呼赤杠卓入  
鐵甕戶鐵翅橫截丹陽湖擣虛之策不出此赤手可縛生  
於菟當時上將陷江都至今莫贖千金軀後來飛將慎勿  
踈襄王城頭啼白鳥如何臨期易將犯兵忌何必不讀孫  
吳書烏乎臨期易將犯兵忌何必不讀孫吳書

輟耕錄至正十三年五月張士誠陷通泰高郵自稱誠  
王改元天祐十五年五月攻破揚州殺淮南行省參政  
趙璉十月初一日丞相脫脫親總大軍以擒之衆踴百  
萬旌旗輻重首尾千里以為高郵刻日可平然脫脫與  
御史大夫也先帖木兒專權日久及出師遂有議其後  
者詔脫脫安置淮安路也先帖木兒安置寧夏路別選

和臣統其兵高郵聞詔解其權勇氣百倍諸衛鐵甲軍  
抱不平者盡皆散去高郵不可得而復矣十六年正月  
朔士誠遣士德攻破常熟州江浙行省丞相達識帖木  
兒有旨得便宜行事陞漕運萬戶脫因為參政官軍一  
戰而敗士誠遂據有平江路易平江路為隆平郡常州  
豪俠黃貴甫問道歸款許為內應不戰而破易為毘陵  
郡左傳軍行右轅左追蓐前茅慮無杜預註脩慮有無  
也茅明也又君為三覆以待之註覆伏兵也又勿慮有  
或能含沙射人影史記田單傳騎劫攻即墨田單取牛  
千頭衣以五采束矛其角縛火其尾穿城而出壯士因  
擊之燕師大敗遂收齊城左傳申叔儀乞糴於公孫有  
山氏曰佩玉葉兮余無所繫之肯酒一盛兮余與褐之  
父睨之對曰梁則無矣麤則有之若登首山以呼曰庚  
癸乎則諾註葉然服飾脩也軍中不得出糧故為私隱  
庚西方主殺癸北方主水西京賦發鯨魚鏗華鐘薛綜  
注海中大魚名鯨海島又有大獸名蒲牢蒲牢畏鯨魚  
鯨魚擊蒲牢輒鳴吼凡鐘作蒲牢於上所擊之者為  
鯨魚有篆刻文故曰華鐘杜牧潤州詩城高鐵甕橫強  
弩自注潤州城孫權築甗為鐵甕元和郡縣志丹陽湖  
在宜州當塗縣東南七十九里周圍三百餘里與涇水

縣分湖為界左傳  
楚人謂虎於菟

吳宮燕 此演鮑照空城雀語也

吳宮燕秋復春饑食玉山粒渴飲玉池津木魅吹火火及

爾巢焚爾身不如青雀子飛去銜紅巾 此傷丁未九月九日事亦一代詩史

鮑照空城雀詩雀乳四散空城之阿朝食野粟夕飲清

河高飛畏鳴臬下飛畏網羅誠不及青雀遠食玉山禾

猶勝吳宮燕無罪得焚窠賦命有厚薄長嘆欲如何樂

府解頰鮑照空城雀云云言輕飛近集茹腹辛傷免網

罪而已吳地記春中君都吳宮因加巧飾春申死吏照

燕窠失火遂焚稻康詩靈鳳振羽儀景四海濱朝食

琅玕寤夕飲玉池津鮑照燕城賦木魅山鬼說文魅老

物精也杜甫麗人行青鳥飛去銜紅巾元史順帝紀至

丁孝子

并引  
路執張士誠按辛巳丁未九月八日也

孝子名祥一諸暨農家子母喪明祥一謁醫不能療日夜抱母泣而舐之歷百日母瞽豁然開明有司旌其門為孝子之門

孝子蘭

刻木肖母顏木有神痛相關况我孝子有母上堂

問安否

音甫母胡為目雙瞽母瞽捫壁行行聽孝子聲孝子

泣母舐母目何時仰天見日星朝舐瞽慕舐瞽一日二日

百里程母瞽豁然而月明隣里來賀母如長夜再生孝子

名上達京

孫盛逸士傳丁蘭少喪母不及養乃刻木為親形事之若生隣人張叔從蘭妻有所借蘭妻跪拜木人木人不悅不借之叔醉罵木人以杖叩其頭蘭歸殺張叔郡縣嘉其孝舐土紙切時上聲以舌取物也



虞邱孝子詞

并引

顧亮會稽上虞人也父珪倡義兵拒海寇與鹵所害  
仇至正戊戌冬邁里古思引兵東渡珪為鹵所害  
亮時年十五每有推刃報仇之志而未獲遂也閱  
去十餘年過余道其事揮涕哽噎髮盡豎予悲其  
志為作虞邱孝子詞以繼古樂府云

虞邱孝子父仇未雪長劍柱頤戢草在舌夜誦獨漉篇涕  
泗盡成血嗚呼頭上天戴昏曉千金去買零陵之七刀虞  
邱孝子心始了

崆峒渾淪歌

老子言混沌於物未鑿之先鑿則死矣崆峒子名  
渾淪於既自形之後曰不死可乎而有不死者尸  
解後天美九先天是死不死辨也歌渾淪無慮百  
十家而又求予言故復叙之為鄭重其詞言周柱  
史之旨者句曲張外史出予言贊之

貞州道人鄭崆峒自言得道金公之棘栗蓬歸來因謁崆  
峒子不識盤皇破殼之雌雄有物先天天鼻祖一畫天作  
公再畫地作母渾淪不可補昇妻合得七寶九歲費斧斤  
三萬戶道人渾淪人弗知竊笑李下華顛兒有時中美金  
月散作萬水圓琉璃渾天圓太極圓曰器曰道何紛然而

况按閣子五十重草元於乎渾淪子爾之生兮曷以始爾  
之死兮曷以止九九八十一蔓紀渾淪不生亦不死

王蒼渾天說舊說天地之體狀如鳥卵天包地外猶殼  
之裏黃周圍如彈丸故曰渾天言其形渾渾如也韻會  
人臆胎鼻先受形故謂始祖為鼻祖論衡羿請不死藥  
於西王母羿妻嫦娥竊以奔月酉陽雜俎太和初有王  
秀才遊嵩山見一人枕幪而坐曰君知月乃七寶合成  
乎月勢如丸其影則日燦其凹處也常有八萬三千戶  
脩之予即一數老子內傳太上老君姓李名重耳字伯  
陽楚國苦縣曲仁里人其母見日精下落如流星飛入  
口中因有娠懷之七十二歲於陳國渦水李樹下剖左  
腋而生指李樹曰此為我姓生而白首故號老子耳有  
三漏又號老聃漢書王莽以符命自立時揚雄校書天  
祿閣上治獄使者欲收雄獄雄從閣上自投下京師為  
之語曰惟寂寞自投  
閣愛清淨作符命

桃核杯歌

道人余筠谷為余道長春真人事世祖皇帝幸長  
春館真人方晝寢盤桓久之始寤上曰真人何之  
對曰臣赴蟠桃宴上曰有徵乎曰有乃袖出桃核  
大如盃上神之玩不去手命左右持去真人請剖  
而為杯一以奉上而自留其一上命置萬億庫永  
為我家鎮國之寶時館閣先生未有歌詠筠谷請  
曰此我朝奇事當得老鐵史奇語以傳世為補賦

桃核杯樂府一解

西霞火龍躅罡風飛上萬八千里崑崙宮玉衡精結萬年  
果朔兒不敢偷春紅夢中紅日炎金甲龍準天人臨卧榻

笑問火龍何所之袖出連環大如楹雄雷走天天發燄裂  
作兩扇為鴛杯神珠脫胎日月破鬼斧鑿竅乾坤開左扇  
入天府右扇留丹臺七星劍斷雙紅結天狗天狼落如雪  
願承漢武掌中露不染田疆咽下血嗚呼金甌缺寶鼎遷  
鼎湖龍去何時旋八十紀鼎水變桑田招霞師談後天雙

杯復合十斛大甕磅礮巔

元史釋老傳邱處機登州西霞人自號長春子兒時有  
相者謂其異日當為神仙宗伯師重陽王真人重陽大  
器之金宋之季俱遺使來召不赴太祖詔求之嚴機促  
裝往見拳拳以止殺為勸太祖悅賜食設廬帳甚飭於  
是錫之虎符副以璽書不斥其名惟曰神仙改賜宮名  
曰長春四傳有和志誠者道譽甚著丞相安童過而問  
之志誠告以脩身治世之要其後復被召入相志誠曰  
昔與子同列者何人今同列者何人安童悟入見世祖

辭曰臣昔為宰相年尚少幸不失陛下事者丞佐皆臣  
所師友今事臣者皆進與臣俱則臣之為政能有加於  
前乎世祖曰誰為卿言是對曰祈真人歟抑詩稱霞師其  
之按序云事世祖皇帝其祈真人歟抑詩稱霞師其即  
太祖事而訛為世祖也博物志崑崙從廣萬一千里神  
物所集東方朔十洲記崑崙上有積石瑤房流精之關  
瓊華之室西王母所治也漢武故事東郡獻短人帝呼  
東方朔朔至短人指朔謂曰王母種桃三千歲一寔此  
兒不良已三偷之矣史記漢祖隆準龍顏神仙傳紫陽  
真人遇羨門子高拜乞長生訣羨門曰子名在丹臺玉  
室何憂不仙吳越春秋伍子胥過江解劍與漁父曰此  
劍有七星北斗文漢武故事帝作銅承露盤上有仙人  
掌承雲表之露晏子春秋公孫接田開疆古治子事景  
公以勇力搏虎聞史記黃帝鑄鼎於荆山下既成有  
龍垂胡髯下迎黃帝磅晉郎切音  
滂隕石聲磅徒郎切音唐岸石也

黃鵠曲

蕭山顧節婦年二十居寡貴要將強婿之顧賦詩

自誓改道家裝絕之為賦魯陶嬰黃鵠辭

黃鵠雙栖今年命有不齊雌將離兮失其雄飛叶雖失雄

飛孤自誓平豈無他雄兮誓不徙故栖使君兮迷予與孤

俾予改圖一女可二夫使君事主塗亦殊

樂府鼓角橫吹十五曲有黃鵠吟列女傳陶嬰夫死守義魯人欲求之作黃鵠歌曰悲夫黃鵠之早寡兮七年不雙宛頸獨宿兮不與衆同夜半悲鳴兮想其故雄天命早寡兮獨宿何傷寡婦念此兮泣下數行嗚呼哀哉今死者不可忘飛鳥尚然兮況於貞良雖有賢雄兮終不同行魯人聞之遂止

翁氏姊

翁氏姊者錢唐人年四十不嫁寇陷錢唐與弟忠

一家四人誓結袂死於河姊曰河之死者有穢矣

吾獨尋乾淨水死忠等赴河姊亦不見乃跳城陰  
古井死

翁氏當亂離投河誓翁媪生為同林鳥死作結縷草翁氏  
姊投袂赴長河賊殺血污水我胡為河裏死莫耶古井古  
陰陰下有斗水琉璃深井中古劔劔妾心莫耶夜作蛟龍  
吟

蘇軾詩次水媚  
翁媪謂父母也

處女塚

處女名雪字玉靈余從父女弟也年十三善琴十  
五攻詞翰二十許陳氏子未娶陳沒遂守志不嫁



達官聘之不允自誓之死作處女塚兵亂處女閉  
戶餓而死年四十有二塚在梧桐山先隴側

楊處女白雪霏慈母惜白雪抱玉真珠擊十三善瑤琴不  
作濮上音十五弄彤管不作花帽情叮嚀媒與伴必嫁公  
與卿英英馬上郎貂帽繡衣裳來交處女幣願作處女郎  
貯以黃金屋薦以白玉床大珠連理帶七寶合歡床大珠  
五十萬七寶百萬襁黃羊尾如扇文雞若鳳凰置酒結高  
宴長跪起行觴處女誓慈母有死不下堂嗟嗟楊處女處  
女節獨苦事母終母喪母墳成負土白髮五十秋五十終  
處女誓作處女墳南山華表柱荒城兵火交三月不開戶

生作獨月娥肯作城中三嫁婦

按嫁必公卿媒言云爾英英馬上郎云、已是達官聘之陳氏子未娶而沒在後節獨苦三字見得乃倒裝法也

女貞木

寇陷淞淞有夏氏女為寇掠誓死不污寇持刃脇之  
不懼大號於天於父母請速死寇怒分其肢挿其首於木  
越三日木為萌葉余為賦女貞木補古樂府

貞女生獨守正貞女死完正命嗟爾貞女受厥性霹靂不  
死貞女身霹靂裁作千年琴一彈貞女離居曲再彈貞女

孤雉吟

琴錄霹靂引楚商梁出遊九皋之澤遇風雷霹靂懼而歸作此引

雉子斑

秀女有姊妹被苗帥強聘為之妻又遣妹媒而致其姊姊不從赴水絕之妹亦尋死為賦雉子斑

雉子斑雉子將雛、兩雌麥田青青四月時雉子斑斑上  
毛衣網羅一相失誤為囹所危吁嗟爾為囹誤又恐為我  
媒叶我今謝爾死豈忍湏臾遲兩雌死同歸琴聲鼓之為  
嗟咨英英鷓鴣兒百鳥不敢欺只如燕燕傍人飛

樂府解題古詞云雉子高飛止黃鸝飛之以千里雄來飛從雌視蓋取首二字以命名也樂府原題按吳兢所

引古辭以為始作之詞此古詞無雉子斑之語往、雉  
子斑之作復在此古詞之前吳兢未之見也如吳均可  
憐雉子斑又後人所作也元史達識帖睦爾傳苗軍帥  
楊完者時駐嘉興又苗軍素無紀律肆為鈔掠所過蕩  
然無遺李白詩麥隴青青三月時白雉朝飛扶兩雌回  
吾禾切音訛繫馴鳥誘外鳥而使之來曰囹即今鳥媒  
也鷄音霜鷄鳩鷹也古  
樂府題有燕、于飛

### 濮州娘

朱鬣氏掠女婦擇白脂者一狎郎赴湯火熬膏為  
攻城火藥濮州花娘薛氏者瀕殺復與裸飲飲婪  
酣抱花娘卧乘酣睡抽其佩刀刺之遁出馳馬抵  
官兵營遂擒其衆吁薛氏婦也而壯節可尚亦乳  
世奇事為賦濮州娘列古樂府

濮州花娘勸君酒酒中電影紅蛇走花娘分死紅焰焦五  
尺肉軀油一斗連床裸飲飲婪醺花娘待罪眠紅茵突咽  
一寸堪七首夜馳鐵騎投官軍君不見始州王氏女拔羗  
及殺羗虎濮州花娘刺客才劍器何須大娘舞

翼莫駕切音罵帶結飾抹額也元史順帝紀至正十一年五月潁州妖人劉福通為乳以紅巾為號又十七年八月劉福通兵陷大名路遂自曹濮臨衛輝路堪職任切辭去聲擬擊也史記荆軻傳右手搃其背杜甫詩有觀公孫大娘弟子舞劍器行

### 金盤美人

刺偽駙馬潘某潘娶美倡凡數十內一蘇氏才色  
兼美醉後尋其罪殺之以金盤薦其首於客宴絕

類北齊主事國亡伏誅臺城投其首於溷

昨夜金床喜喜薦美人體今日金盤愁愁薦美人頭明朝

使君在何處溷中人溺血骷髏君不見東山宴上琵琶

骨夜：鬼語啼瑩篋

北齊主納媼婦薛氏清河王岳嘗因其婦迎之至第主怒殺其婦薛甚寵於主久之主忽思其與岳通斬首藏於懷出東山宴飲探其首投於盤支解其屍美其髻為琵琶復收髻流涕曰佳人難再得載屍出墓主被髮步送之樂府雜錄瑩篋乃鄭衛音之權輿也以其亡國之音故弭空國之侯

小姑謠

小姑失母年十五大嫂育之嫂如母小姑急嫁嫁蠻郎雙鬢私挿金釵股大嫂泣血告小姑爾祖儀同父上柱如何

世閥不對當失身去作蠻郎婦汝貪蠻婦多金銀寧嫁華  
郎守賤貧蠻郎金多不到老華人雖寔終吾身小姑不聽  
大嫂戒蠻郎戰沒羊羅寨五丁一夜發郿塢官籍黃金官  
估賣小姑還家嫂怒嗔棄置棄置同市門嫁衣重繡金織  
孫今年又嫁烏將軍

按輟耕錄老苗事疑小姑為平章慶童女蠻郎則楊完  
者也楊完者字彥英武岡綬寧之赤水人湖廣陶夢禎  
招之得旁緣入中國至正十六年秋平江兵入杭完者  
自嘉興來駐兵城中萊市橋外未即進民自為戰勝完  
者兵淫刑以逞築營得勝堰周圍三四里子女玉帛皆  
在焉且以為郿塢計丞相以衆攻殺之完者戰敗盡殺  
所有婦女自經以死獨平章慶童女以先往在富陽得  
免慶童女已嘗許嫁親王為完者強委禽焉至是未及  
三月宋書漢延平九年鄧鴻為車騎將軍開府儀同三  
司儀同之名自此始史記貨殖傳刺繡文不如倚市門

類纂開元中郭元振下第夜行失道見一宅燈燭煒煌  
惟聞女子哭聲郭問之女曰妾良家女也父母利鄉人  
之金醉妾此廟中云為烏將軍神娶婦至二更當來郭  
憤然曰吾當殺此妖以救汝良久車馬駢至郭出揖迎  
因拔佩刀斫其股將軍失聲而走天明視之乃猪蹄也  
俄而父母至令鄉人逐之至一古塚中一大猪無前蹄  
而斃女嫁郭為側室

### 捺瓢奴

捺瓢奴眼雙瞽自言脫胎時黃金盆中浴保母承家三世  
笏負郭萬鍾畝入擁千金姬出乘五色馬讀書不成文鸞  
弓不成武前年喪翁今年喪考父捺瓢奴眼雙瞽隣翁感  
歎為我語爾家法家稱乳虎狐人之兒寡人婦

漢書酷吏傳寧見乳  
虎無值甯成之怒



鼠制虎

上海有武浙商舟者河虎劫商財欲溺商商抱虎  
同溺虎死商泳而去鐵史聞之爲作鼠制虎

河之虎莫孰禦河之鼠亦莫予敢侮虎一怒鼠無生鼠一  
怒制虎死河澣浮雲殺白日天風捲后土孰識鼠冤苦鼠  
冤苦訴諸河伯府河伯爲我告天不生此河虎

樓 灝 監校